



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Exemplar Pactionis.

urn:nbn:de:hbz:466:1-15221

stræ emendare conatur, statim seditio in populo, statim tumultus exoritur; & in tantum vnusquisque contra seniore[m] sæua intentione grassatur, vt vix se credat euadere, si tandem filere nequiverit. Ad hæc rex ait: Si quis sequitur iustitiam, viuat: si quis legem mandatumque nostrum respuit, iam pereat, ne nos diutius hoc blasphemium prosequatur.



C O N V E N T V S
A P V D A N D E L A V M,

ANNO
CHRISTI
587.

QVANDO INTER GVNTRAMNVM ET CHILDEBERTVM reges, episcoporum procerumque consilio pax firmata, mutuique fœderis pactio conscripta est anno Christi DXXCVII.

De hoc Conuentu & fœdere scribit Gregorius Turonensis libro 9. histor. cap. 11. *Rex, inquit, Guntramnus, cum nepote suo ac reginis, id est cum Childeberto rege, & cum Brunichilde matre, ac Faileuba vxore Childeberti, pacem firmavit, & conscriptis pactio[n]ibus regressus est vnusquisque in ciuitatem suam.* Pactio[n]is vero exemplar profert idem cap. 20. quo loco illam Childeberti legatis a Guntramno prolatam ac relegi iussam narrat.

EXEMPLAR PACTIIONIS.

CVM in Christi nomine præcellentissimi domini Gunthramnus & Childebertus reges, & gloriosissima domina Brunichildis regina, Andelaum caritatis studio conuenissent, vt omnia quæ vndecumque inter ipsos scandalum poterant generare, pleniori consilio definirent; id inter eos, mediantibus sacerdotibus atque proceribus, Deo medio, caritatis studio sedit, complacuit, atque conuenit, vt quamdiu eos Deus omnipotens in præsentis sæculo superesse voluerit, fidem & caritatem puram & simplicem sibi debeant conseruare. Similiter quia domnus Gunthramnus, iuxta pactio[n]em, quam cum bonæ memoriæ domno Sigiberto inierat, integram portio[n]em, quæ est de regno Chariberti, illis fuerat consecutus, sibi diceret in integrum redhiberi; & pars domni Childeberti, ea quæ pater suus possederat, ad se vellet ex omnibus reuocare: id inter ipsos constat fixa deliberatione finitum, vt

in

ANNO
CHRISTI
587.

in illam tertiam portionem de Parisiensi ciuitate cum terminis & populo suo, quæ ad domnum Sigibertum de regno Chariberti conscripta pactioe peruenerat, cum castellis Duno & Vindocino, & quidquid de pago Stampensi, vel Carnoteno, in peruiio illo antefatus rex cum terminis & populo suo perceperat, in iure & dominatione domni Gunthramni, cum eo quod superstitite domno Sigiberto de regno Chariberti antea tenuit, debeant perpetualiter permanere: pari cōditione ciuitates Meldonenfes, & duas portiones de Siluanectis, Turonos, Pictauos, Abrincatas, Vicum Iulienfem, cum Conforannis, Lapurdo, & Albige, domnus Childebertus rex cum terminis, a præfenti die fuæ vindicet potestati. Ea igitur conditione feruata, vt quem Deus de ipsis regibus superstitē esse præceperit, regnum illius, qui absque filiis de præfentis sæculi luce migrauerit, ad se in integritatem iure perpetuo debeat reuocare, & posteris suis Domino auxiliante relinquere. Illud specialiter placuit per omnia inuiolabiliter conseruari, vt quidquid domnus Gunthramnus rex filiæ fuæ Clotildi contulit, aut adhuc Deo propitiante contulerit, in omnibus rebus atque corporibus, tam in ciuitatibus, quam agris vel redditibus, in iure & dominatione ipsius debeat permanere: & si quid de agris fiscalibus, vel speciebus atque præfidio, pro arbitrii sui voluntate facere, aut cuiquam conferre voluerit, in perpetuo auxiliante Domino conseruetur; neque a quocumque vlllo vnquam tempore conuellatur: & sub tuitione ac defensione domni Childeberti, cum his omnibus quæ ipsam transitus genitoris sui inuenerit possidentem, sub omni honore & dignitate secura debeat possidere. Pari conditione repromittit domnus Gunthramnus rex, vt si, vt habet humana fragilitas, quod diuina pietas non permittat, nec ille videre desiderat, contigerit domnum Childebertum eo superstitite de hac luce migrare, filios suos Theodobertum & Theodoricum regem, vel si adhuc alios ipsi Deus dare voluerit, vt pius pater sub sua tuitione & defensione recipiat: ita vt regnum patris eorum sub omni soliditate possideant, & genitricem domni Childeberti, domnam Brunichildem reginam, vel filiam eius Clodosuindam, germanam domni Childeberti regis, quamdiu intra regionem Francorum fuerit, vel

Concil. Tom. 13.

N

eius reginam Faileubam, tamquam sororem bonam, & filias in sua tuitione & defensione, spiritali dilectione recipiat, & sub omni honore & dignitate cum omnibus rebus earum, cum ciuitatibus, agris, redditibus, vel cunctis titulis, & omni corpore facultatis, tam quod præfenti videntur tempore possidere, quam quod adhuc Christo præfule iuste potuerint augmentare, sub omni securitate & quiete possideant: vt si quid de agris fiscalibus, vel speciebus atque præsidio, pro arbitrii sui voluntate facere, aut cuiquam conferre voluerint, fixa stabilitate in perpetuo conferuetur, nec a quibuscumque voluntas illarum vlllo tempore conuellatur. De ciuitatibus vero, hoc est Burdegala, Lemouica, Cadurco, Benarno, & Begorra, quas Gailefuidam germanam domnæ Brunichildis tam in dote, quam in morganegiba, hoc est matutinali dono, in Franciam venientem certum est acquisisse; quas etiam per iudiciû gloriosissimi domni Gunthramni regis, vel Francorû, superstitibus Chilperico & Sigiberto regibus, domna Brunichildis noscitur acquisisse; ita conuenit, vt Cadurcam ciuitatem, cum terminis & cuncto populo suo, domna Brunichildis de præfenti in sua proprietate percipiat: reliquas vero ciuitates ex hac cõditione superius nominatas, domnus Gunthramnus dum adiuuit possideat; ita vt quandoque post eius transitû, in dominatione domnæ Brunichildis, heredumque suorum cum omni soliditate Deo propitiante reuertantur; nec superstite domno Gunthramno, neque a domna Brunichilde, neque a filio suo Childeberto rege, filiisque suis, quolibet ingenio vel tempore repetantur. Simili modo conuenit, vt Siluanectum domnus Childebertus in integritate teneat, & quantum tertia domni Gunthramni exinde debita competit, de tertia domni Childeberti, quæ est in Rossontensi, domni Gunthramni partibus compensetur. Similiter conuenit, vt secundû partitiones inter domnum Gunthramnum, & bonæ memoriæ domnû Sigibertû initas, leudes illi, qui domno Gunthramno post transitum domni Clotarii sacramenta primitus præbuerunt, etsi postea conuincuntur se in parte alia tradidisse, de locis, vbi cõmanere videntur, conuenit vt debeant remoueri. Similiter & qui post transitum domni Clotarii conuincuntur domno Sigiberto sacramenta

ANNO
CHRISTI
587.

primitus præbuisse, & se in aliam partem transtulerunt, modo simili remoueantur. Similiter quidquid antefati reges ecclesiis aut fidelibus suis contulerint, aut adhuc conferre cum iustitia, Deo propitiante, voluerint, stabiliter conferuetur: & quidquid vnicuique fidelium in vtriusque regno per legem & iustitiam redhibetur, nullum ei præiudicium pariat; sed liceat res debitas possidere atque recipere. Et si aliquid cuicumque per interregna sine culpa sublatum est, audientia habita restauretur. Et de eo quod per munificentiam præcedentium regum vnusquisque vsque ad transitum gloriosæ memoriæ domni Clotarii regis possedit, cum securitate possideat. Et quod exinde fidelibus personis ablatum est, de præsentī recipiat. Et quia inter præfatos reges pura & simplex est in Dei nomine concordia illigata, conuenit vt in vtroque regno vtriusque fidelibus, tam pro causis publicis, quam priuatis, quicumque voluerit ambulare, peruium nullis temporibus denegetur. Similiter conuenit, vt nullus alterius leudes nec sollicitet, nec venientes excipiat. Quod si forsitan pro aliqua amissione partem alteram crediderit expetendam, iuxta æqualitatem culpæ excusati reddantur. Hoc etiam huic addi placuit pactioni, vt si qua pars præsentia statuta sub quacumque calliditate, tempore quocumque transcendere, omnia beneficia, tam repromissa, quam in præsentī collata amittat, & illi proficiat qui inuiolabiliter omnia superscripta seruauerit: & sit de sacramentorum obligatione in omnibus absoluta. His itaque omnibus definitis, iurant partes per Dei omnipotentis nomen, & inseparabilem trinitatem, vel diuina omnia, ac tremendum diem iudicii, se omnia quæ superius scripta sunt absque vllō dolo malo, vel fraudis ingenio, inuiolabiliter seruaturos. Facta pactio sub die quarto Kalendas Decembris, anno vicesimo sexto regni domni Gunthramni regis, domni Childeberti vero duodecimo anno.

NOTA IACOBI SIRMONDI
SOCIETATIS IESV.

¹ *Conuentus apud Andelaum.*] Vetus nomen retinet opidum in pago Lingonenſi, cuius situm indicat Fredegarius: *Anno*, inquit, *XVII. regni Theodorici Lingonas mense Maio exercitus adunatur. dirigenſque per Andelaum, Naſio caſtro capto, Tullum ciuitatem peruenit.*

Concil. Tom. 13.

N ij